

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02/5-1-35-4037

Dana: 01.08.2019. godine

Na osnovu člana 23. stav (3) tačka e) i h) Zakona o unutrašnjim poslovima Kantona Sarajevo ("Sl. novine Kantona Sarajevo" broj: 1/16 i 26/19) i člana 36. i 40. Kolektivnog ugovora između Vlade Kantona Sarajevo i Sindikata policije Kantona Sarajevo ("Sl. novine Kantona Sarajevo" br. 4/18), načelnik Sektora kriminalističke policije, koji u skladu sa rješenjem Vlade Kantona Sarajevo br. 02-05-13232-12/19 od 29.03.2019. godine obavlja dužnost policijskog komesara, po zahtjevu policijskog službenika Govedarice Milosava, **d o n o s i**

R J E Š E N J E

GOVEDARICA MILOSAVU, policijskom službeniku Uprave policije MUP-a Kantona Sarajevo, raspoređenom na radnom mjestu policajac u [...], po osnovu teške bolesti člana uže porodice [...], **o d o b r a v a s e** isplata jednokratne novčane pomoći u visini od dvije prosječne neto plaće isplaćene u Federaciji Bosne i Hercegovine prema zadnjem objavljenom statističkom podatku.

Isplatu po ovom rješenju izvršit će Sektor za materijalno-finansijske poslove.

O b r a z l o ž e n j e

Govedarica Milosav, policijski službenik Uprave policije MUP-a Kantona Sarajevo, obratio se zahtjevom za isplatu jednokratne novčane pomoći zbog teške bolesti člana uže porodice ([...]). Imenovani je uz zahtjev dostavio Potvrdu JU "Zavod za zdravstvenu zaštitu zaposlenika MUP-a Kantona Sarajevo", br. 07-1-856/19 od 10.07.2019. godine u kojoj se navodi da se bolest-povreda za koju je imenovani priložio medicinsku dokumentaciju [...], smatra teškom u smislu odredbe člana 4. Uredbe o naknadama koje nemaju karakter plaće ("Sl. novine Kantona Sarajevo", br.17/19), te da se radi o teškoj bolesti koja je nastala u 2019. godini. Također je dostavio fco. medicinske dokumentacije.

Članom 36. Kolektivnog ugovora između Vlade Kantona Sarajevo i Sindikata policije Kantona Sarajevo, propisano je da se u slučaju nastanka teške invalidnosti ili teške bolesti uposlenika ili člana njegove uže porodice, isplaćuje jednokratna novčana pomoć u visini od dvije prosječne neto plaće isplaćene u Federaciji prema posljednjem objavljenom statističkom podatku.

Na osnovu navedenog, imajući u vidu da je u konkretnom slučaju Komisija za utvrđivanje postojanja teške bolesti ili invalidnosti pri Zavodu za zdravstvenu zaštitu zaposlenika MUP-a KS, na osnovu medicinske dokumentacije koju je imenovani priložio, utvrdila da se bolest-povreda [...] smatra teškom

u smislu Uredbe o naknadama koje nemaju karakter plaće i da se radi o teškoj bolesti koja je nastala u 2019. godini, a kako je utvrđeno da imenovani po navedenom osnovu nije ostvario pravo na novčanu pomoć, u skladu sa članom 23. stav (3) tačka e) i h) Zakona o unutrašnjim poslovima Kantona Sarajevo, primjenom člana 36. i 40. Kolektivnog ugovora između Vlade Kantona Sarajevo i Sindikata policije Kantona Sarajevo, riješeno je kao u dispozitivu rješenja.

POUKA O PRAVNOM LIJEKU: Protiv ovog rješenja može se izjaviti žalba Policijskom odboru Vlade Kantona Sarajevo, putem Pisarnice ovog Ministarstva, u roku od 15 (petnaest) dana od dana prijema istog.

za **POLICIJSKOG KOMESARA**
NAČELNIK SEKTORA KRIMINALISTIČKE POLICIJE

Glavni inspektor

Milorad Bašić

DOSTAVITI:

1. Imenovanom
2. U dosje
3. Sektoru za materijalno finansijske poslove
4. Web stranica MUP-a KS
5. a/a